

## 2. Ferlar í plani og pólhnit

Stærðfræðigreining IIB, STÆ205G

7. janúar 2015

Sigurður Örn Stefánsson, sigurdur@hi.is  
Verkfræði- og náttúruvísindasvið  
Háskóli Íslands

- ▶ Þegar við fáumst við verkefni í mörgum víddum höfum við frelsi til að velja hnitakerfi.
- ▶ Heppilegt val á hnitakerfi getur skipt sköpum við lausn verkefnis.

## Skilgreining 2.1

Látum  $P = (x, y) \neq \mathbf{0}$  vera punkt í plani. *Pólhnit*  $P$  er talnapar  $[r, \theta]$  þannig að  $r$  er fjarlægð  $P$  frá  $O = (0, 0)$  og  $\theta$  er hornið á milli striksins  $\overline{OP}$  og  $x$ -ássins. (Hornið er mælt þannig að rangsælis stefna telst jákvæð, og leggja má við  $\theta$  heil margfeldi af  $2\pi$ .)

## Regla 2.2

Ef pólhnit punkts í plani eru  $[r, \theta]$  þá má reikna  $xy$ -hnit hans (e. *rectangular coordinates* eða *Cartesian coordinates*) með formúlunum

$$x = r \cos \theta \quad \text{og} \quad y = r \sin \theta.$$

Ef við þekkjum  $xy$ -hnit punkts þá má finna pólhnitin út frá jöfnunum

$$r = \sqrt{x^2 + y^2} \quad \text{og} \quad \tan \theta = \frac{y}{x}.$$

(Ef  $x = 0$  þá má taka  $\theta = \frac{\pi}{2}$  ef  $y > 0$  en  $\theta = -\frac{\pi}{2}$  ef  $y < 0$ . Þegar jafnan  $\tan \theta = \frac{y}{x}$  er notuð til að ákvarða  $\theta$  þá er tekin lausn á milli  $-\frac{\pi}{2}$  og  $\frac{\pi}{2}$  ef  $x > 0$  en á milli  $\frac{\pi}{2}$  og  $\frac{3\pi}{2}$  ef  $x < 0$ .)

## Skilgreining og umræða 2.3

Látum  $f$  vera fall skilgreint fyrir  $\theta$  þannig að  $\alpha \leq \theta \leq \beta$ . Jafnan  $r = f(\theta)$  lýsir mengi allra punkta í planinu sem hafa pólnit á forminu  $[f(\theta), \theta]$  þar sem  $\alpha \leq \theta \leq \beta$ . Þetta mengi kallast *pólhnitagraf* fallsins  $f$ .

Pólhnitagraf er ferill í planinu sem má stika með stikaferlinum

$$\mathbf{r} : [\alpha, \beta] \rightarrow \mathbb{R}^2$$

með formúlu

$$\mathbf{r}(\theta) = [f(\theta), \theta] = (f(\theta) \cos \theta, f(\theta) \sin \theta).$$

### Setning 2.4

Látum  $r = f(\theta)$  vera pólhnitagraf fallsins  $f$  og gerum ráð fyrir að fallið  $f$  sé diffranlegt. Látum  $\mathbf{r}(\theta)$  tákna stikunina á pólhnitagrafinu sem innleidd er í 2.3. Ef vigurinn  $\mathbf{r}'(\theta) \neq \mathbf{0}$  þá gefur þessi vigur stefnu snertils við pólhnitagrafið og út frá  $\mathbf{r}'(\theta)$  má reikna hallatölu snertils við pólhnitagrafið.

## Setning 2.5

Flatarmál svæðisins sem afmarkast af geislunum  $\theta = \alpha$  og  $\theta = \beta$  (með  $\alpha \leq \beta$  og  $\beta - \alpha \leq 2\pi$ ) og pólhnitagrafi  $r = f(\theta)$  ( $f$  samfelld) er

$$A = \frac{1}{2} \int_{\alpha}^{\beta} r^2 d\theta = \frac{1}{2} \int_{\alpha}^{\beta} f(\theta)^2 d\theta.$$

### Setning 2.6

Gerum ráð fyrir að fallið  $f(\theta)$  sé diffranlegt. Bogalengd pólhnitagrafsins  $r = f(\theta)$ , þegar  $\alpha \leq \theta \leq \beta$ , er gefin með formúlunni

$$s = \int_{\alpha}^{\beta} \sqrt{f'(\theta)^2 + f(\theta)^2} d\theta.$$